

“KOLATERALNA” ŠTETA U RATU IZMEĐU JAVNIH PODUZEĆA I NEPLATIŠA

Općinski sud zatrpan sa milion tužbi komunalaca

S obzirom da svaki od nagomilanih predmeta dolazi u četiri primjerka, ostaje nam da nagađamo koliko će tona papira i miliona maraka otići na troškove njihove obrade i rješavanja, koje će trajati godinama

U Općinskom sudu u Sarajevu uposljeni se hvataju za glavu i kolutaju očima na svaku novu pošiljku tužbi protiv neplatiša komunalija, ili, stručno rečeno, prijeđloga izvršenja na osnovu vjerodostojne isprave kantonalnih javnih komunalnih poduzeća, jer su već sada prostorije Suda njima bukvalno zatrpane.

Astronomske sume

U zatrpanost prijemnih i drugih prostorija Suda smo se i sami uvjerali na licu mjesta, a na izlazu iz zgrade Suda dočekao nas je crveni golf iz kojeg su dvojica ljudi istovarali pakete pune neriješenih prijedloga iz «Toplana» Sarajeva.

Samo ove godine,

Općinski sud je zaprimio preko 180 hiljada ovih predmeta. Zaključno sa 30. oktobrom, ukupan broj tužbi iz Vodovoda i kanalizacije iznosio je 258.548, iz Rada 235.605, a iz Toplana 139.618, što nas dovodi

do brojke od 633.771 predmeta!


Ni na ovoj ogromnoj sumi stvar se ne završava. Naime, prema još nezvaničnim podacima, preko 600 hiljada neriješenih prijedloga pristiglo je u Općinski sud u

Sarajevu iz poduzeća Komunalac Hadžići, te po osnovu tužbi za neplatiše RTV takse.

Uposleni u Sudu nam kažu kako će troškovi obrade predmeta biti ogromni, od zavođenja u registar, do broj-



Sudske police doslovno pucaju pod težinom nagomilanih tužbi



Priliv predmeta izmakao kontroli

Manjak ljudstva

Priliv predmeta iz komunalnih preduzeća doveo je Sud i njegove uposlenike do toga da dnevno moraju uvesti u registar od 150 do 200 novih

predmeta. U ovom trenutku je sasvim izvjesno da Općinski sud nema dovoljno ljudstva da bi mogao obaviti tako obiman posao.

nih i kompliciranih drugih faza procedura obrade predmeta, te da će sve troškove snositi neplatiše.

Decenijski posao

Međutim, u Općinskom sudu još ni sami sebi ne smiju priznati koliko će prema procjenama trajati rješavanje ovih predmeta, ali su u pitanju godine, ako ne i jedno cijelo desetljeće.

Ako se uzme u obzir da svaki od skoro milion

neriješenih predmeta, kako su nam kazali, dolazi u četiri primjerka, nije teško izračunati o koliko se količini potrošenog papira radi, i to samo u fazi prijema predmeta. Ostaje nam da nagađamo koliko će tona papira i miliona maraka otići nakon što se, nadati se u skorijoj budućnosti, završi ovaj sudski epilog rata između javnih poduzeća i neplatiša.

E. Zgodić